

DEN SKINA CAYENTE....

Fotos y Texto: Jan Poets

**** Saludos mi fiel querido gentenan, ata nos na final di november y aki un djis, Feliz Pasco..y un Bon Aña 2004..**

**** Ultimo simannan aki, unda cu nos presenta y hasta yamadanan riba nos celular ta puntra e mesun pregunta.."di con bo no ta na CHINA???**

**** Aunke nos a prepara Nathalie Biermanns mentalmente, toch e biaha aki despues di varios aña nos a tuma un pauze pa loke ta cubri certamen di Miss Mundo...**

**** E trabao di cubri un certamen di Miss Mundo no ta nada facil, debi cu bo no ta haya ningun cooperacion cerca e organizadornan,**

kendenan ta prefera pa solamente AFP saca potret y manda pa henter mundo..

**** Tabata cu hopi lucha y sacrificio di "take chance" boso sirbidor aki mester a realiza pa cubri e certamen y asina mes ora bo yega bo pais bek, bo no ta haya e motivacion pa sigui cubri e certamen tan difcil aki...**

**** Pero te na Martinique nos a ser reconoci cu un invitacion pa cubri un grandioso show di moda cu modelonan profesional di Francia y New York, den cual Zizi Lee ta invitado di honor como 1e finalista di Miss Mundo 2001...**

**** Te otro siman for di Martinique....**

PREMIO CACIQUE DE ORO PA NOS CORENSPONSAL "KOKITO"...



****Recientemente nos gran amigo y corensponsal, Julius "Kokito" Koko di e corant mas popular na Corsow, Vigilante, a ser galaradona durante e prestigioso premiacion Cacique de Oro na Caracas, Venezuela. E anochi di premiacion aki a tuma lugar den e ballroom di Caracas, Hilton, cu presencia di celebridad prominente di Venezuela. Kokito tabata e unico reportero di Antiyas cu a ricibi e distnccion importante aki. Kokito kende tur diasabra ta duna su reportahenan di tanto farandula como deporte durante Poets Show na Top 95 fm, ta un person a**

hopi queri aki na Aruba. Atravez di añanan cu Kokito a bin ta duna su noticianan den su forma unico, tur diasabra hopi hende ta pendiente di e noticianan exclusivo di Kokito. Ta pa e hecho aki tambe no tin duda pa e motibonan cu Kokito a logra di haya un reconocimiento asina grandi na Venezuela. Tur dia Kokito ta yena 10 pagina den Vigilante cu noticianan tanto di Deporte como Farandula. Porcierto un di e periodistanan mas respeta y lesa na Corsow y Antiyas. Den Skina Cayente y Poets Show ta felicita colega Kokito pa e gran logro aki...

TREMENDO CD DI GRUPO "D' BARIO"...

**** Despues di tantisimo peticion, D'Bario a lanza un produccion cu a cay na agrado di hopi hende. Un grupo di ex integrantenan di Tradicion Gaitera, a dicidi cu e aña aki si lo complace tur e publico cu ta sinti falta di e musica unico den su forma cu e integrantenan ta presenta.**

E biaha aki D'Bario a presenta un CD cu cinco cancion cu ta un cobertura di e diferente formanan di toca gaita, paranda, tamborera, gaita tradicion.

Interesante di e CD aki ta cu e conocido artistanan Ramfis Tromp y Elmar Themen a trece e cancionnan na papiamento y tres di e



cancionnan ta den forma di "gospel" caminda ta manda mensahenan di paz, amor, en especial e fe cu nos tur mester tin den nos Señor Dios cu ta nos salvador. Pa reserva bo CD y pa presentacion di D'Bario por yama Ramfis

Tromo na 7334300, Elmer Themen na 5945408 y Oscar Vidal na 5933946. Den Skina Cayente ta felicita Grupo D'Bario pa e tremendo produccion aki y deseanan hopi exito..

